



Broj: 07-40-4-1217 /22
Datum:09.06. 2022. godine

INFORMACIJA

o stanju zaštite od požara u općini Maglaj u 2021. godini

Maglaj, juni/lipanj 2022.godine

UVOD

Zaštita od požara i vatrogastvo čine sastavni dio jedinstvenog sistema zaštite i spašavanja ljudi i materijalnih dobara od prirodnih i drugih nesreća u Kantonu, koji je uređen Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10) i Zakonom o nadležnostima kantonalnih organa Zeničko-dobojskog kantona u oblasti zaštite i spašavanja ljudi i materijalnih dobara od prirodnih i drugih nesreća („Službene novine Zeničko-dobojskog kantona“, broj: 9/08), pa se radi toga zaštita od požara i vatrogastvo organiziraju i funkcioniraju u okviru tog sistema, a vrši se na način predviđen ovim zakonom.

Zaštita od požara (*u daljem tekstu ZOP*) obuhvata skup mjera i radnji upravne, organizacijske, stručne, tehničke, obrazovne i propagandne prirode, koje se poduzimaju u cilju sprječavanja izbijanja i širenja požara, njegovog otkrivanja, te zaštite ljudi, biljnog i životinjskog svijeta, materijalnih, kulturnih, historijskih i drugih dobara i okoliša.

Vatrogastvo obuhvata skup mjera i radnji upravne, organizacijske, stručne, kadrovske, tehničke, obrazovne i propagandne prirode, koje se poduzimaju u cilju gašenja požara i spašavanja ljudi i materijalnih dobara ugroženih požarom, te predstavlja poseban javni interes za Općinu.

Osnovni nosilac organiziranja i provođenja zaštite od požara je Općina, kao jedinica lokalne samouprave i Kanton koji je odgovoran za ta pitanja na području kantona.

Organizacija i funkcioniranje ZOP-a na području Općine, utvrđuje se u Planu zaštite od požara Općine, koji donosi Općinsko vijeće, a na prijedlog Načelnika općine.

Sva pravna i fizička lica su dužna izvršavati zadatke utvrđene u Planu zaštite od požara.

1. STRUKTURA I STANJE OPREMLJENOSTI ODJELJENJA ZOP-a I VATROGASTVA

Profesionalna vatrogasna jedinica (*u daljem tekstu PVJ*) je organizovana kao odjeljenje u sklopu Službe civilne zaštite općine Maglaj. U PVJ Maglaj je uposleno 13 vatrogasaca.

Opremljenost PVJ Maglaj treba biti takva da omogućava uspješno obavljanje vatrogasne djelatnosti. Izbor opreme i sredstava zavisi od Procjene ugroženosti od požara i Plana zaštite od požara Općine.

Vatrogasna vozila sa kojim raspolaže Profesionalna vatrogasna jedinica:

- a) Navalno vozilo za brzo gašenje požara (sa pripadajućom opremom)
VOLVO FL 614
- b) Navalno vozilo za brzo gašenja požara (sa pripadajućom opremom)
RENAULT BA03X2
- c) Vozilo za tehničke intervencije u saobraćajnim nesrećama (sa pripadajućom opremom)
FORD RANGER
- d) Teretno vozilo Mercedes (daimler-benz)

Sva vatrogasna vozila su u vlasništvu Dobrovoljnog vatrogasnog društva Maglaj i data su na korištenje PVJ Maglaj. Vozilo za tehničke intervencije Ford Ranger je u vlasništvu Kantonalne uprave civilne zaštite i dato je na sluzenje u PVJ Maglaj.

Od ostale opreme i materijalno tehničkih sredstava odjeljenje PVJ Maglaj posjeduje:

- opremu za operacije na vodi (gumeni čamac sa pratećim kompletom opreme za spašavanje na vodi, 2 komada),
- opremu za proizvodnju energije i rad noću (agregat, 2 kom.),
- opremu za pumpanje vode,
- zaštitnu opremu prilikom gašenja požara u prostorima i podrumima (izolacijski uređaji),
- visokotlačna benzinska pumpa
- vitlo sa visokotlačnom cijevi
- spremnik vode
- pištolj mlaznica
- prenosna hidraulična pumpa
- hidraulični sjekač s priključkom na jednostruko crijevo
- zračni jastuk za dizanje tereta
- boca za komprimirani zrak
- razupora hidraulična teleskopska sa priključkom na jednostruko crijevo
- ostala sitna oprema


2. RAD ODJELJENJA ZOP-a I VATROGASTVA

Pripadnici PVJ Maglaj su dali svoj maksimalni doprinos kada su u pitanju izlasci na intervencije. Sve intervencije su obavljene uspješno. Niko od zaposlenih u odjeljenju PVJ Maglaj nije povrijeđen prilikom gašenja požara i obavljanja tehničkih intervencija.

U vremenskom periodu od 01.01.2021. do 31.12.2021. godine bilo je ukupno **118** intervencija svih vrsta. Požarnih intervencija je bilo **87**, a ostalih (evakuacija stanovništva tokom poplava, izvlačenje povrijeđenih u saobraćajnoj nezgodi, nasilno otvaranje vrata, spašavanje životinja, ispumpavanje vode iz bunara, uklanjanje prepreka na otvorenom, izvlačenje utopljenika itd.) je bilo **31** (Tabela 1).

Tabela 1. Tabelarni prikaz ukupnog broja intervencija svih vrsta

Vrste intervencija	Požarne intervencije						Tehničke intervencije	UKUPNO
	Šuma	Otpad	Odžaci	Nisko rastinje	Stambeni i dr. objekti	Ostale obradive površine		
Januar	-		5	-	1		1	7
Februar	1	1	2	4	-	4	3	15
Mart	3	4	5	11	-		1	24
April	1	2	1	-	1		4	9
Maj	1	2	1	-			1	5
Juni	1	-	-	1			2	4
Juli	-	-	-	4	-		3	7
August	-	-	1	3	2	1	2	9
Septembar	-	-	1	3	-		2	6
Oktobar	-	2	2	-	-		2	6
Novembar	-	3	1	-	1		3	8
Decembar	-	1	9	-	1		7	18
UKUPNO	7	15	28	26	6	5	31	118



Kao što se vidi iz tabelarnog i grafičkog prikaza u 2021. godini je bio najveći broj požarnih intervencija. Uzroci požara mogu biti: neispravna instalacija, prirodna pojava (udar groma, visoke temperature, jak vjetar), ljudski faktor i dr.

U 2021.g. smo imali veći broj intervencija u odnosu na 2020.g. Na području naše Općine bilo je mnogo požara manjeg obima (čak 28 požara na odžacima, duplo više nego u 2020.g.) S druge strane, požari na šumskim i poljoprivrednim zemljištima zahvataju velike površine pa je samim time bilo angažovano i više ljudstva. Nerijetko se u akcije gašenja požara uključivalo i mjesno stanovništvo, vatrogasci iz susjednih općina te dobrovoljci. Ova vrsta požara se najčešće javlja u vremenskom periodu proljeće-ljeto, koja nastaje kao posljedica spaljivanja korova. Najčešći uzrok požara na šumskom i poljoprivrednom zemljištu je ljudski faktor.

S obzirom da je JP Šumsko privredno društvo (ŠPD) ZDK najvećim dijelom nosioci prava gospodarenja šumama i šumskim zemljištem, dužni su aktivirati interventnu grupu za gašenje požara, obezbijediti sredstva protivpožarne zaštite za gašenje požara, izvršiti protivpožarni prosjek itd. U većini slučajeva pripadnici PVJ Maglaj su prvi izlazili na intervenciju.

U vremenu od 01.01.2021.godine do 31.12.2021.godine servisirano je 1007 PP aparata, vršen je preventivni obilazak poslovnih subjekata u gradu, gdje još ima objekata koji ne servisiraju redovno PP aparate u skladu sa članom 33. Zakona zaštite od požara i vatrogastva ZE-DO kantona (Sl.novine ZE-DO kantona broj:05/11), a dužni su vršiti servis i periodični pregled aparata svakih 6 mjeseci. Urađeno je 89 zapisnika o obavljenom servisu i pregledu PP aparata, urađeno 78 faktura za servis PP aparata.

PVJ je izlazila na obezbjeđenje za vrijeme održavanja sportskih događaja, vjerskih manifestacija, raznih kulturnih događaja i drugih vidova obezbjeđenja na području općine Maglaj. Ukupno je vršeno obezbjeđenje na 10 događaja.

3. PRIJEDLOG MJERA ZA POBOLJŠANJE STANJA U OBLASTI ZAŠTITE OD POŽARA I VATROGASTVA (ZOPV)

U cilju poboljšanja stanja i poduzimanja preventivnih mjera u oblasti zaštite od požara i vatrogastva potrebno je :

- ✓ nabavka i obnova voznog parka, a posebno navalnog vozila za gašenje požara (sva vozila su starosti preko 25 godina), nabavka terenskog vozila
- ✓ adekvatno opremanje pripadnika PVJ sa radnom, zaštitnom i vatrogasnom opremom
- ✓ popunjavanje i podmlađivanje kadrova te adekvatno obučavanje i osposobljavanje
- ✓ nadogradnja sistema komunikacijskih veza i nabavka modernijih mobilnih i prenosnih uređaja
- ✓ u svim pravnim licima gdje postoji opasnost od požara i eksplozija sprovesti sistem zaštite od požara
- ✓ inicirati da se u svim stambenim objektima postave aparati za početno gašenje požara i da se isti redovno servisiraju
- ✓ edukacija učenika u osnovnim i srednjim školama iz oblasti zaštite od požara i vatrogastva


Jedan od najbitnijih segmenata u oblasti ZOPV jeste snabdijevanje vodom. Voda je uvijek bila osnovno sredstvo za gašenje požara te moramo težiti ka razvijanju hidrantske mreže i stavljanju iste u prvobitnu funkciju. Posebnu pažnju treba obratiti na vanjsku hidrantsku mrežu (u urbanom dijelu i prigradskim naseljima) koja je u lošem stanju. Pregled stanja i održavanje hidrantske mreže je u nadležnosti KJD d.o.o. Maglaj. Posebnu pažnju treba obratiti na hidrante u Starom gradu, gdje je pristup objektima izuzetno težak zbog strmih i uskih ulica te prenaseljenosti. Prolaz vatrogasnim vozilima je na mjestima skoro nemoguć. Predlažemo ugradnju nekoliko hidrantskih sandučića na najvišim dijelovima Starog grada.

Da bi sistem ZOP-a što bolje funkcionisao potrebno je voditi računa o dodatnim snagama koje bi se uključile u sistem ZOP-a. U Maglaju postoji registrovano Dobrovoljno vatrogasno društvo (DVD). U toku 2021.g. DVD Maglaj je vršio obuku i osposobljavanje mladih dobrovoljaca kako bi isti nakon zakonski propisanog perioda mogli polagati stručni ispit te biti na raspolaganju prilikom gašenja požara.

Zaštita od požara se mora provoditi i organizovati na svim mjestima, prostorima i objektima. Svaki pojedinac treba da vodi računa da svojim postupcima ne izazove požar i na taj način ugrozi svoj i život drugog lica te imovine.

OBRADIVAČI:

Husein Husanović
Haris Šahman



KONTROLIRAO:

Anto Maglica



DOSTAVLJENO:

1. Općinsko vijeće
2. a/a



NAČELNIK OPĆINE
Mirsad Mahmutagić

